




Die Matie

TWEEWEEKLIKSE STELLENBOSSE STUDENTEKOERANT
UITGEGEE ONDER BESKERMING VAN DIE SR



Jaargang XXVIII, Nr. 9 Prys 5c

VRYDAG, 16 Augustus 1974.

Voorsitter Vra om Volwasse Stemmer

WANNEER ons die aand van die 19de Augustus die jaarlikse voorstellingsparade van die nuwe Studenteraadskandidate gaan hê, sal dit vir alle huidige studente 'n baie geskiedkundige oomblik wees.

Dit sal vanjaar die eerste keer wees wat die "Sirkus" in die pas opgerigte D.F. Malansentrum gaan plaasvind. Die getal studente het in die afgelope paar jaar sodanig toegeneem dat dit essensieel geword het om 'n meer geskikte en ruim lokaal vir die geleentheid te

vind. Alhoewel daar baie praktiese probleme ter sprake gekom het, is die D.F. Malansentrum uiteindelik aan die studente toegestaan en ons dank mnr. Lombaard en sy komitee in besonder vir hulle groot aandeel in die beskikbaarstelling van die lokaal.

Een groot praktiese probleem is die sintetiese vloeroppervlak van die sentrum wat baie maklik deur sigaretstompies beskadig kan word en hier wil ek 'n dringende beroep op alle studente rig om daarop te let dat geen persoon toegelaat sal word om in die sentrum te rook nie. Ons vertrou dat deur verantwoordelike optrede en samewerking in dié verband hierdie probleem volledig oorkom sal word.

Vanweë die groter getal studente wat nou die "Sirkus" sal kan bywoon, is dit die verwagting dat vanjaar se samekoms groter en meer lewendig sal wees. Hierdie byeenkoms moet deeglik deur u benut word om, benewens die kort byeenkomste wat vanjaar in die voorportaal van die Opvoedkundige-gebou gehou sal word, u kandidate beter te leer ken. In die afgelope tyd is dit interessant om te sien hoe laag die stempersentasies aan sommige ander kampusse is - indien daar enigsins kandidate is om voor te stem - en ek wil vertrou dat 'n betreklike hoë stempersentasie weer vanjaar op Stellenbosch gehandhaaf sal word. Gee aan u kandidate die nodige steun om as Studenteraadslede u standpunt te kan verteenwoordig.

Laat u gebalanseerde oordeel u help om 'n volwasse stem uit te bring in die verkiesing van die nuwe Studenteraad.

JAN HOFMEYR (Voorsitter)



JAN HOFMEYER



SANGFEES is weer voor die deur. Hier oefen Jeanette van der Walt, Annemarie Vester en Dorette van de Vyver van Minsua, wat saam met Eendrag en Denneoord sing, hard aan die Slawekoor uit Mabucco. Benewens die lied sing dié koor die Lied van Jong Suid-Afrika, waar kry jy daardie hoed?, The Old Hundredth Psalm Tune en die Lied van ons land.

Stembuskomitee



OP die foto van die Stembuskomitee hierbo verskyn Paul Harper, Marietjie Visagie, Tommie Immelman, Mike van Rooyen (Kovnenor), J.P. Landman, Francois van der Merwe, George van der Merwe en Louw Botes. Jan Hofmeyr (Voorsitter) en Willie Duminy was afwesig met die neem van die foto.

D.F. Malansentrum Oop vir Monster en Sirkus

DIE jaarlikse SR-verkiesing vind plaas op Dinsdag 20 Augustus tussen agt vm. en drie nm. Onder toesig van Huiskomitee sal die SR vir die 1974/75 termyn verkies word.

Voor die 20ste sal deur kennisgewings bekend gemaak word waar die stemlokale sal wees. As alles volgens plan verloop sal die verkiesingsuitslag net na sewe nm. bekend wees.

SIRKUS

Die Sirkus vind die jaar plaas in die D.F. Malansentrum-en sal om agt nm. begin net na die Monstervergadering, wat om half agt nm. begin, waartydens die SR Voorsitters- en Tesouriersverslae vir die 1973/74 termyn gelewer sal word. Studente se samewerking word gevra om asseblief nie in die D.F. Malansentrum te rook nie. Daar sal vier mikrofone in die saal wees vanwaar vrae aan die kandidate gestel kan word. Probeer asseblief hier ook ordelik optree.

Alle studente wat voor 1 Maart 1974 by die Universiteit van Stellenbosch ingeskryf het, is geregtig op een stem. Studente wat slegs vir eksamen ingeskryf het of wat 'n skripsie inlewer nadat hul tydperk van studie reeds verstryk het is nie stemgeregtig nie. Die eerstejaarstem dra twee-derdes van die gewig van 'n gewone stem.

EEN MAN EEN STEM

Elke stemgeregtigde se naam verskyn net een keer op die kieserslys van net een stemlokaal. Sou dit egter gebeur dat 'n stemgeregtigde se naam nie op die kieserslys verskyn by sy/haar aangewese lokaal nie, kan die persoon by die SR-kantoor 'n stem uitbring by die toon van sy/haar registrasiokaart.

Stemlokale is as volg toegewys:

- (a) Vir koshuis inwoners by hul onderskeie koshuise;
- (b) PSO-studente by fakulteitsgeboue. Lede van Hombré en Huis Neeth-

- ling sal soos verlede jaar by hul onderskeie koshuise stem;
- (c) vir inwoners van Huis Francie van Zijl: een ter plaatse;
- (d) vir Mediese privaatstudente: een by die Mediese fakulteit te Tier-vlei;
- (e) weermagstudente kry 'n stembus tussen een nm. en twee nm. te Saldanha.

PROSEDURE

Om bedorwe stembriefies en onreëlmatighede te verhoed moet asseblief op die volgende punte in die stemprosedure gelet word:

- Stemming geskied op 'n komperponkaart deur geperforeerde blokkies langs die naam van gekose kandidate uit te druk. Maak asseblief seker dat die geperforeerde blokkies geheel en al uit gedruk is en nie agter op die komperponkaart vas sit nie.
- Elke kieser mag vir 'n maksimum van dertien kandidate stem.
- Ponskaarte mag nie gebuig of beskadig word nie - 'n nuwe ponskaart is egter beskikbaar indien die beskadigde een aan die stembusbeampte oorhandig word.
- Na stemming word die ponskaarte in 'n geslote stembus gegooi - ook die beskadigde en gebuigde kaarte, nadat dit in die middel deurgeskeur is, word in die stembus gegooi deur die stembusbeampte.
- Stemwerwing in die onmiddellike omgewing van 'n stemlokaal is ontoelaatbaar.
- Ponskaarte vir eerstejaars sal reeds voor die tyd van 'n addisionele gaatjie voorsien word. Maak dus seker dat, as u 'n senior is, u nie 'n ponskaart ontvang met 'n reeds ge-

ponse gaatjie nie en vice versa vir eerstejaars.

ONREËLMATIGHEDE

Beweerde onreëlmatighede sal in die SR-lokaal deur die voorsitter van die stembuskomitee hanteer word. Die voorsitter is konstitusioneel bevoeg om te besluit oor die geldigheid al dan nie van stembriewe, asook ontoelaatbare stemwerwery. As mens die stempersentasies van verlede jaar beskou, word gevind dat die PSO-studente slegs 33,41% gestem het teenoor die 81,33% van die koshuis-studente. Daar word 'n beroep op PSO-studente gedoen om, aangesien hul die grootste gros van die studente-unie uitmaak, hul stem beter uit te bring. Daar is geen rede waarom PSO-studente nie ten minste 50% of meer kan stem nie. Die SR het 'n hoë persentasie stem nodig om werklik verteenwoordigend te kan wees en hul werksaamhede te doen. Kom ons werk almal saam om 'n heelwat hoër stempersentasie vir die hele Akker te verkry.

UITSLAG

Die uitslag van die verkiesing sal weereens die jaar deur die I.B.M.-komputer bepaal word en sou gou as die uitslag bekend is sal dit op alle kennisgewingborde aangebring word. Volgens Grondwet sal die verkiesing as geldig beskou word indien beswaar daarteen nie binne vier-en-twintig uur na die uitslag bekend gemaak is die voorsitter van die Studentehof bereik het nie.

U samewerking word op prys gestel. **MIKE VAN ROOYEN (Stembuskovnenor)**

DIRK BADENHORST
B.Sc. B. ING IV
4de Jaar



VOORSTELLER: Johan Gelderblom
SEKONDANTE: Peet Venter, William Brown, Retha Rossouw, Jan Heunis, Willem Doman.

ONDERVINDING:

- 1971: Lid Ingenieurs-SR.
- 1972: Lid Ingenieurs-SR, Lid Traparkomitee, Lid ASVS Komitee oor Buitelandse Betrekkings, Voorsitter Eendrag-Junior-komitee, Lid Junior Breëbestuur, Lid Eendrag-geselligheidskomitee.
- 1973: Lid Eendrag-Huiskomitee, Lid Eendrag Rugby-keurkomitee, Voorsitter Eendrag Karnavalkomitee.
- 1974: Tesourier Eendrag-Huiskomitee, Lid Verenigingskomitee, Lid Sangfeeskomitee, ACSV-kringleier.

BELEID:

Die Studenteraad se taak is tweërlei: Eerstens moet hy omsien na die behoeftes en probleme van die Studentegemeenskap en moet hy verder daarna streef om dit 'n steeds aangenamer tuiste te maak.

Tweedens moet dit die Studente-unie se belange na buite beskerm en nuwe idees verkry vir voordelige implementering binne ons gemeenskap.

Hiervoor is voortgesette skakeling met alle Suid-Afrikaanse universteite essensieel. Indien ek verkies word sal ek my taak in dié lig beskou.

BOBBY BERTRAND
LL.B. II
5de Jaar



VOORSTELLER: Francois Wessels,
SEKONDANTE: Leon Kuschke, Bobby Louber, Dawie Joubert, Caroline Rodseth, Isobel Gilfillan.

ONDERVINDING:

- 1970: Bestuurslid SCA, Stellenbosch Waarnemer AIESEC Nasionale Vergadering.
- 1971: Ondervoorsitter SCA, Bestuurslid Vereniging vir Ekonomie en Handel, Stellenbosch Verteenwoordiger SCA Nasionale Studente-komitee.
- 1972: Voorsitter SCA, Stellenbosch Verteenwoordiger SCA Nasionale Studentekomitee, SCA Verteenwoordiger Stigtingskonferensie Students' Christian Fellowship van Swaziland.

- 1973: Voorsitter SCA, Stellenbosch verteenwoordiger SCA, Nasionale Studentekomitee, Lid SCA W.P. Streekbestuur.
- 1974: Sekretaris Huis Marais-Huiskomitee, Lid Verenigingskomitee, W.P. Streeksverteenvoortreder SCA Nasionale Studentekomitee Uitvoerende Komitee.

BELEID:

Ek stel my verkiesbaar en het die volgende prioriteite: om -
1. Jesus Christus te verheerlik;
2. Die Studente-unie op 'n praktiese wyse te dien;
3. Vrye wisseling van menings op die kampus te handhaaf;
4. Stellenbosch se rol in die skakeling met Afrikaanse, Engelse, Bruin, Swart en Indiese Universteite uit te brei;
5. Te werk vir orderlike en regverdige verbetering van rasseverhoudinge in Suid-Afrika.

JACQUES DE VILLIERS
B.A. III
3de Jaar



VOORSTELLER: Andrew de Klerk
SEKONDANTE: Gerrit Germishuizen, Rob Camp, Piet Human, Simon Upfill-Brown, Johan Froneman.

ONDERVINDING:

- 1973: Bestuurslid SAAK
- 1974: Bestuurslid SAAK

BELEID:

Weens die skynheiligheid en valsheid wat toenemend in verkiesingsbeleid aangetref word, gee ek slegs my woord dat ek my bes sal doen indien ek verkies word.

Verder betreur ek die toenemend aktivistiese rol van politieke partye in Studenteraadspolitiek. Dit lei tot die onregverdige etikettering van kandidate en die toese van belangrike portefeuilles aan politieke broedertjies. Die belangrikste kriterium, algemene bevoegdheid, gaan heeltemal verlore.

Ek betreur die skynheilige uitbuiting van godsdien vir verkiesingsdoel-eindes.

TOBIE DE VILLIERS
M.B. Ch.B. III
3de Jaar



VOORSTELLER: Fred van der Riet
SEKONDANTE: Leon Kuschke, André van der Watt, Jannie Brink, Pieter Hurter, Alan Nelson.

ONDERVINDING:

- 1972: Voorsitter Eendrag-Eerstejaarskomitee, Redaksielid *Die Stellenbosse Student*.
- 1973: Lid Karnavalkomitee, Lid Eendrag-Junior-komitee, Lid Eendrag-Geselligheidskomitee.
- 1974: Lid USKOR Geneeskundige komitee, Lid Geneeskundige-SR.

BELEID:

Stellenbosch se benadering om van elke ander standpunt deur enige taalgroep of ras gestel, kennis te neem, moet sonder voorbehoud gehandhaaf word. In oorweging van sodanige standpunte sal ek toesien dat menswaardigheid en respek voorrang geniet.

Die hoof funksie van die Studenteraad setel egter in die effektiewe administrasie van plaaslike studentebelange. Daarom sal ek my beywer vir 'n verbeterde verhouding, tot wedersydse voordeel, sover dit die Tygerberg- en Stellenbosch-kampusse betref.

BRENTON GEACH
LL.B. II
5de Jaar

VOORSTELLER: Alfred Allan
SEKONDANTE: Waldemar Gouws, Vossie Müller, Stiphan Aldrich, P. Groenewoud, Anneke Vlok.



ONDERVINDING:

- 1970: Bedrywigheids: Swemduik, SAAK, Vrydagklub, ASVS, Eerstejaars-Redenaarskompetisie.
- 1971: Swemduik, SAAK, Tesourier Junior Breëbestuur, Bestuurslid USAT, Voorsitter Baardebond, Geleentheidskrywer (Oom Boris) *Die Matie*, Wilgenhof Besprekingsklub.
- 1972: Voorsitter Karnavalkompetisie-komitee, Stigter Wilgenhof Filmklub, Bestuurslid USAT, Ondervoorsitter Wilgenhof Karnavalkomitee.
- 1973: Karnavalkomitee: Adviseur Mej. Matieland-kompetisie, Ondervoorsitter Wilgenhof Hokkieklub, *Akkerjool* 1974 Voorblad-nooi-komitee.
- 1974: Verspreider *Die Matie*, Senior Redenaarskompetisie, Mej. Matielandkomitee 1975.

(Advertensie)

HULP VIR STUDIE

Beplande studie is 'n seker manier om u eksamen te slaag. Werk 'n studierooster uit en volg dit streng. Studeer dikwels maar nie te lank nie. Dis nutteloos om te werk as dié brein vermoed is — die brein verwerp die las. As u moeg of lomerig voel, neem 'Lert-wakkerhoutablette.

'Lert-tablette verlig verstandelike moegheid en verskerp die sintuie. Die brein word meer ontvanklik, die gedagtes helderder en vinniger. 'Lert-tablette is so onskadelik soos koffie. Nagwerkers gebruik 'Lert, ook motoriste om ongelukke te voorkom.


BELEID:

Benewens sy aangewese administratiewe take is daar bepaalde kwessies wat die primêre aandag van elke SR-lid vereis, o.a.: 'n Dringende poging om die sosiaal-kniehalterende dameskoshuis-aandklokkeëlings te verlig;

'n Algehele hersiening van die algemene kosposisie van beide koshuis- en PSO-studente asook uitbuiting van studente deur kafee-eienaars; Doelmatiger en meer persoonlike metodes van kommunikasie tussen studente en die SR.

Doeltreffende inter-universitêre samewerking is waardevol, maar ek betreur enige verskyning van radikale ideologie in ons studente-politiek.

PIERRE GOOSEN
B.A. (Admissie) III
3de Jaar



VOORSTELLER: Willem Doman
SEKONDANTE: Johan Gelderblom, Lood Rabie, Rosa du Randt, Retha Rossouw, Jan Heunis.

ONDERVINDING:

- 1972: Bestuurslid Admissiebond, Klasverteenvoortreder Admissie I.
- 1973: Kringleier ACSV, Bestuurslid Sielkunde Vereniging, Lid Junior Breëbestuur.
- 1974: Lid Simonsberg-Huiskomitee, Lid Sentrale Tugkomitee Simonsberg, Voorsitter Sielkunde Vereniging, Sekretaris Admissiebond.


BELEID:

Ek sien die taak van die Studenteraadslid primêr om die belange van die Studente-unie te bevorder, en die goeie beeld van hierdie Universteit te alle tye te handhaaf en uit te bou.

As 'n Christen sal ek poog om praktiese pligte wat aan my opgedra word op 'n verantwoordelike wyse en na die beste van my vermoë uit te voer.

Ek sal my beywer vir die verstewiging van die leidende rol wat Stellenbosch speel onder die studente van Suid-Afrika.

PIETER HURTER
B.Th. III
8ste Jaar



VOORSTELLER: Jan Heunis
SEKONDANTE: Willem Doman, Ina du Toit, Leon Kuschke, Cassie Wait, William Brown.

ONDERVINDING:

- 1970: Eendrag-huiskomitee, Redakteur Vires Unitatis, Lid Sangfeeskomitee, ACSV-kringleier.
- 1971: Lid Kleure-komitee, Sekretaris Eendrag-huiskomitee, Redakteur Vires Unitatis, ACSV-kringleier, Lid Republiekfeeskomitee, Lid Sangfeeskomitee.
- 1972: Primarius Eendrag, ACSV-kringleier, Lid Sangfeeskomitee.
- 1973: Primarius Eendrag, Voorsitter Primari-komitee, Lid Sangfeeskomitee, ACSV-kringleier.
- 1974: Ondervoorsitter Studenteraad, Voorsitter Verenigingskomitee, Voorsitter Sangfeeskomitee, Afgevaardigde SSD.

BELEID:

Die Studenteraad is nie daar terwille van homself nie, maar verkies deur en daarom alleen in belang van die Studente-unie. Daarom is dit dan my enigste oorweging en Christelike oortuiging om myself weer diensbaar te stel aan elkeen van u wat deel is van ons studentegemeenskap.

Dat die Studenteraad sal sorg dra vir 'n goeie verstandhouding tussen studente en die Universteits-owerheid beskou ek as essensieel. Ook vereenselwig ek my volkome met die gedagte van Inter-Universitêre skakeling met alle Suid-Afrikaanse Universteite.

Hierdie uitgawe is behartig deur die Interuniversitêre Redakteur, Willie Duminy.

AUTACS

KAN U VOORSIEN VAN ALLE

Motoronderdele

Toebehore

Batterye

Gereedskap

NADER ONS VIR U TEGNIESE PROBLEME

BIRDSTRAAT 63

TEL. 5529/3076


- ★ RADIO'S
- ★ GRAMMOFOONPLATE
- ★ LEESLAMPE
- ★ STRYKYSTERS, ens.

KRY DIT BY

STELLENBOSCH ELECTRICAL

Ou Mutual-gebou, Birdstraat
Tel. 5507

FRANS LE ROUX
B.LANDBOUBES
TUUR III 3de Jaar



VOORSTELLER: Pieter Voster
SEKONDANTE: Pieter Hurter, Retha Rossouw, Jan Heunis, Willem Doman, Johan Gelderblom.

ONDERVINDING:

1972: Lid NP Studentetak Wyksraad.
1973: Voorsitter Pieke Juniorbestuur, Tesourier Junior Breëbestuur, Lid NP Studentetak Wyksraad, Klasverteenvoordiger B. Landboubestuur II.
1974: Lid NP Studentetak Dagbestuur, Lid Pieke-Huiskomitee, Klasverteenvoordiger B. Landboubestuur III, Lid Pieke-Rugbyklubbestuur, Lid Pieke Verwelkomingskomitee.

BELEID:

Dit sal vir my 'n voorreg wees om Stellenbosch te verteenwoordig en diensbaar te wees op elke terrein waar die studente-unie dit van my sou verg. Ek sal my veral beywer vir die uitbouing van die koshuis-identiteit van elke privaatwyk, asook die verbetering van kontak met die ander koshuise. Hierin behoort die Primari-primariae-


komitee 'n veel belangriker rol te speel. As Christen-gelowige sal ek my standpunte getrou bly en andere s'n respekteer.

SUSAN MUNNIK
B.A. III
3de Jaar

VOORSTELLER: Rennie Basson
SEKONDANTE: Pieter Vorster, Pieter Hurter, Sonja van Vollenhoven, Robbie Blair, Johan Gelderblom.

ONDERVINDING:


1973: Lid Junior Breëbestuur.
1974: Debutante Organiseerder, Lid Nerina-Huiskomitee, Lid Redakteurskonferensiekomitee.



BELEID:

Die kern van die Studenteraad moet gedurig gekonsentreer wees op die belange van die Studente-Unie. 'n Dame op die Studenteraad moet spesifiek aandag gee aan dit wat vir die dames-studente van besondere belang is. Indien ek verkies word tot die Studenteraad, sal my besluite geneem word in die lig van my eie oortuiging. Dit is dan ook my oortuiging dat die Studenteraad sinvol moet skakel met alle ander Suid-Afrikaanse universiteite. Sulke skakeling moet gekenmerk word deur duidelike standpunt-inname.

GAWIE NIENABER
LL.B. II
4de Jaar



VOORSTELLER: Pieter Hurter.
SEKONDANTE: Pieter Vorster, Lood Rabie, Retha Rossouw, Willem Doman, William Brown.

ONDERVINDING:

1971: Groepleier Huis Visser-eerstejaars, Redaksielid *Die Stellenbosse Student*, Hoofbestuurslid SASKI, Sub-redakteur Die Anker.
1972: Lid Karnavalkomitee, Redaksielid *Die Matie*, Assistent-redakteur Sewentig, Redakteur Die Anker (Wenner Cape Times-trofee), Bestuurslid Vereniging van Ekonomie en Handel, Koshuisredakteur *Die Stellenbosse Student*, Redakteur Stellcomm, Junior-komitee Huis Visser.
1973: Lid Pieke-Huiskomitee, Redaksielid *Akkerjol*, Lid Karnavalkomitee, Redakteur Die Pieke, Sub-redakteur Sport *Die Matie* (6 uitgawes).
1974: Hoofredakteur *Die Stellenbosse Student*, Onder-primarius Pieke, Nuusredakteur *Die Matie*, Lid Studentevaria-komitee, Redakteur Pieke Jaarboek 1973 en Eerstejaarsinligtingsgid 1974, Lid NP-Studentetak Dagbestuur, Voorsitter Pieke-eerstejaars Verwelkomingskomitee, Lid Karnavalkomitee, Voorsitter Pieke Argiefkomitee, Afgevaardigde SSD.

BELEID:

Hiermee stel ek my beskikbaar vir diens aan die Studente-unie. Intern sal die belange van studente my eerste prioriteit wees. Bekwamingskursusse om belangstellende studente vir hul werk in redaksies en verenigings te skool, moet ingestel word. Ekstern sal ek my beywer vir:
a) voortgesette sinvolle dialoog met alle Suid-Afrikaanse Universiteite en
b) 'n ondubbelsinnige standpunt-inname ten opsigte van plaaslike- en landsake wat die Matie-student raak.
Ek onderneem om, indien u my verkies, altyd eerlik en as 'n Christen-gelowige te handel.

SYDNEY SAAYMAN
B.Th. II
5de Jaar



VOORSTELLER: Jan Heunis
SEKONDANTE: Johan Gelderblom, Lood Rabie, Sonja van Vollenhoven, Willem Doman, Pieter Vorster.

ONDERVINDING:


1973: Bestuurslid Kategetiese Werkgroep, Departement Diakonologie, Kweekskool.
1974: Voorsitter Karnavalkomitee, Lid Pieke Huiskomitee, Lid Pieke Verwelkomingskomitee, Redaksielid *Die Stellenbosse Student*, Redaksielid Die Pieke.

BELEID:

Ek stel my ten doel die stigting van 'n portefeulje vir privaatosies op die Studenteraad wat alle geleenthede met betrekking tot die verskaffing van losies aan privaatstudente sal koördineer. Hierdeur kan die Studenteraad poog om die tekort aan losies en die swak omstandighede en uitermate hoë tariewe in baie gevalle, uit te skakel. Verder staan ek positiewe kontak met alle universiteite voor ten einde samewerking en begrip onder Suid-Afrikaanse studente te bevorder.

SPEKKIES SLABBER
B.A. III
3de Jaar

VOORSTELLER: Gideon Scheltema
SEKONDANTE: Edwin Cameron, Francois Pauw, Francois Wahl, Vossie Müller, Danie Malan.



ONDERVINDING:

1972: Deelnemer eerstejaars-Redenaarskompetisie, Redaksielid *Die Matie*, Lid Wilgenhof-Snoekerkomitee, Lid Wilgenhof-Bergklimkomitee, Ingeskrewe lid NP-Studentetak.
1973: Lid Debatsbestuur, Lid Karnavalkomitee, Beoordelaar Inter-Koshuisdebatte, Redaksielid Kwodpraatjies, Subkonvenor Wilgenhof-Snoekerkomitee, Tesourier Jukskeibond, Konvenor Wilgenhof-Koskomitee, Hoofspreker Interkoshuis Debatsfinale, Ondervoorsitter *Akkerjol*-Fotoverhaal-komitee, Ingeskrewe lid ACSV, Sublid Wilgenhof-Karnavalkomitee.
1974: Voorsitter Wilgenhof-Kegelklub, Ondervoorsitter Wilgenhof-Veerpyltjie komitee, Lid Karnavalkomitee, Wilgenhof Joernalis, Geleentheidsspreker USAT, Lid OMSET, Konvenor Wilgenhof-Snoekerkomitee, Organiseerder Wilgenhof-Reünieverwelkomingskomitee, Wilgenhof-Besprekingsklub, Organiseerder Karnavalkonsert, Kandidaat mnr. Sonop-wedstryd, Voorsitter Wilgenhof-Gewigop-telklub, Erevoorsitter Wilgenhof-Wynproewersgilde.

BELEID:

Ek sien die verantwoordelikhede van die Studenteraad as hoofsaaklik dertienledig (een per lid). Intern sal ek my doelgerig beywer vir die organisering van plaaslike studente-aktiwiteite, en die behartiging van studentegriewe! en -geriewe. Ek glo ook - inteeendeel, ek is daarvan oortuig - dat Stellenbosch voortgesette kontak moet behou met anderstalige, andersdenkende en anderskleurige universiteite. Inter-universitêre kontak met mede-Afrikaanse universiteite moet egter nie hierdeur verwaarloos word nie!
Aangesien die student se ontologiese én epistemologiese betrokkenheid by die samelewing om hom, die Stu-

denteraad toenemend belas met verantwoordelikhede betreffende sy oordeel en uitspraak oor en inspraak in sake van akuele belang, sal ek, indien verkies, poog om, altyd ondubbelsinnig standpunt in te neem oor dubbel-sowel as ondubbelsinnige sake.

Ek sal my standpunt altyd toets in die lig van my Christelike oortuigings en vanweë my verantwoordelikhede teenoor my mede-studente.

JOHANN SLAZUS
M.B., Ch.B. V
5de Jaar



VOORSTELLER: Slang Kritzinger
SEKONDANTE: Pieter Vorster, Johan Gelderblom, André Kemp, Rosa du Randt, Willem Doman.

ONDERVINDING:

1972: Klasverteenvoordiger M.B., Ch.B. III, Lid Potio Medicata Publikasiekomitee.
1973: Primarius Huis Francie Van Zijl, Lid Potio Medicata Publikasiekomitee.
1974: Primarius PSO-Medies, Tesourier Potio Medicata, Lid Komunika-Bestuur.

BELEID:

Vir my is die primêre doel van die Studenteraad die bevordering van studentebelange op alle terreine. Ek sal my dus beywer vir die beter kontak tussen studente op Stellenbosch en die Sateliet-kampusse. Die steeds groeiende kampus te Tygerberg noodsaak beter kommunikasie met Stellenbosch om 'n meer produktiewe deelname aan studentebedywighe te verseker op die gebiede van sport en kultuur.

JOHANN TREURNICHT
LL.B. II
5de Jaar



VOORSTELLER: Leon Kuschke
SEKONDANTE: Koen van Graan, Manette Mostert, Bertie du Plessis, Alan Nelson, Bobby Loubser.

ONDERVINDING:

1971: Redaksielid Kanarie (PSO Huisblad).
1972: Lid PSO-Karnavalkomitee.
1973: Lid Helshoogte Dinee-danskomitee, Lid Helshoogte Karnavalkomitee, Voorsitter Tugkomitee (Rugbytoer).

KITS-KONTANT



Net wanneer u dit kort.

Nedbank se kitskontantkaarte is nou beskikbaar aan spaarrekeningkliënte, asook tjekboekhouers. U kan te eniger tyd R10 trek - bedags of saans - by enige Nedbank-kontantverskaffers. Open vandag 'n rekening by u naaste Nedbank. Mutual-gebou, Birdstraat, Stellenbosch.



Bank by
Die Nedbankers

1974: Voorsitter Dinee-danskomitee, Lid Helshoogte-huiskomitee.

BELEID:

Die Studente-unie se mening moet so noukeurig as moontlik getoets word oor kontensieuse sake sodat die Studenteraad steeds met die studente in voeling kan bly.

Die Studenteraad moet hom beywer vir die herlewing van die Studenteraads-konferensie sonder prysgawe van 'n eie onafhanklike standpunt.

Ek onderneem om die Studente-unie met integriteit te dien.

STIAAN VAN DER MERWE
B.Th. II en M.A. (Filos)
5de Jaar



VOORSTELLER: Bobby Loubser.
SEKONDANTE: Dirkie Smit, Jean Anthonissen, Bertie du Plessis, Marlene Wium, Bobby Bertrand.

ONDERVINDING:

1971: Redaksielid *Die Matie*, Redaksielid *Die Admissiebondblad*, Sendingbuskomitee.

1972: Redaksielid *Die Stellenbosse Student*, ASVS-komitee vir jeugleierkursusse, Waarnemer ASB-kongres (Bloemfontein), Sendingbuskomitee, Koshuiskomitee van ACSV.

1973: Redakteur Sewentig, Sendingbuskonvenor, Lid ACSV Koshuiskomitee.

1974: Bestuurslid ACSV, Afgevaardigde na SCA Intervarsity Conference, Lid Dagbreek-Huiskomitee.

BELEID:

'n SR word myns insiens primêr verantwoordelik gehou vir effektiewe administratiewe en praktiese dienslewering namens en in diens van sy studente. Daarom sal ek probeer om die taak na die beste van my vermoë uit te voer, veral ten opsigte van die verskillende verenigings op die Akker.

Verder sal ek my beywer vir sinvolle gesprekke tussen Stellenbosch en alle ander universiteitskampusse in Suid-Afrika, in soverre dit kan lei tot die uitruil van praktiese kennis en tot beter begrip van mekaar se situasies en standpunte.

PIETRO VAN DER WESTHUIZEN
LL.B. II
4de Jaar



VOORSTELLER: Dion Van Dyk
SEKONDANTE: Francois Wessels, Brenton Geach, Melinda Smith, Bobby Loubser, Brian Currin.

ONDERVINDING:

1972: Koshuisdebatsverteenwoordiger, SAAK-verteenwoordiger, Sendingwerkster, Koshuis-Karnavalkomitee.

1973: Redaksielid *Die Stellenbosse Student*, Redaksielid *Koshuis-koerant*, SAAK-verteenwoordiger, Sendingwerkster.

1974: ACSV-kringleidster, Redaksielid *Koshuis-koerant*, Onderwysulpkomitee (GOVS).

BELEID:

Ekstern moet Stellenbosch sy leidende posisie ten opsigte van inter-universitêre skakeling uitbrei.

Intern glo ek aan skakeling met die universiteitsoewerheid, veral met betrekking tot:

- (a) beperking van studentegetalle,
- (b) strengere beheer deur die Dieëtkunde Departement oor koshuiskombuise.

As Christen sal ek my beywer vir beter begrip tussen persone en groepe met verskillende standpunte.

ANTON VAN NIEKERK
B.A. (Admissie) III
3de Jaar



VOORSTELLER: Dion van Dyk
SEKONDANTE: Dirkie Smit, Bobby Loubser, Leon Kuschke, Bertie du Plessis, Alan Nelson.

ONDERVINDING:

1972: Wenner Eerstejaars-Redenaars-kompetisie, Lid Reëlingskomitee *Joernalistieke Week*, Lid Eendrag-Debatspan in finale rondte van Interkoshuiskompetisie.

1973: Redaksielid *Die Matie*, Assistent-redakteur Sewentig, Redaksielid *Vires Unitatis*, Lid Stembuskomitee, Lid Reklame-subkomitee *Karnaval*, Eendrag Debatsverteenwoordiger, Bestuurslid *Sokratiese Vereniging*.

1974: Sosiale Redakteur *Die Matie*, Eksterne Reklamebestuurder *Karnavalkomitee*, Bestuurslid *Sokratiese Vereniging*, Leier Eendrag Debatspan in Finale rondte van Interkoshuiskompetisie, Aangewese Assistent-hoofredakteur Sewentig.

BELEID:

Die belange van die studente wat hy verteenwoordig, is na my mening die vernaamste prioriteit van die Studenteraad.

Op interne vlak verdien sake soos die finansiële uitbuiting van studente, die registrasiesetstel, die parkeerwessie en sommige diskresionêre reëlins in (veral eerstejaars-) dameskoshuise dringende aandag van die SR.

Op eksterne vlak glo ek dat die oop gesprek, as grondslag vir wedersydse begrip, ten alle koste met alle ander Suid-Afrikaanse universiteite gehandhaaf moet word.

In my eie lewe erken ek die oppergesag van Jesus Christus. In alles wat ek doen, sal ek alleen Sy Koninkryk probeer dien.

LOCH VAN NIEKERK
M.B., Ch.B. V
5de Jaar



VOORSTELLER: Pieter Vorster
SEKONDANTE: Pieter Hurter, Fred van der Riet, Erna Hertzog, Bobby Bertrand, Piet Engelbrecht.

ONDERVINDING:

1972: Lid USKOR-komitee.
1973: Onder-voorsitter USKOR, Onder-voorsitter *Geneeskundige Publikasie-komitee*, Redaksielid *Potio Medicata*.

1974: Lid *Geneeskundige SR*, Voorsitter USKOR-*Geneeskundig*, Ondervoorsitter USKOR-*Beheer-komitee*, Voorsitter USKOR-*Uitvoerende Komitee*, Lid *Onderzoekkomitee (GSR)* na Tygerberg-kampus, Redaksielid *Potio Medicata*.

1974/1975: Lid *Geneeskundige SR*, Voorsitter *Geneeskundige Publikasie-komitee*, Hoofredakteur *Potio Medicata*.

BELEID:

Ek glo dat:

1. Die besluite van die Studenteraad duidelik verteenwoordigend moet wees van die Studente-unie se menings.
2. Stellenbosch sy selfstandige rol op interuniversitêre gebied moet voortsit.
3. Akademiese skakeling uitgebrei moet word deur die doeltreffende kommunikasiekanale (gekose verteenwoordigers).
4. Nouer skakeling met die sateliet-kampusse bewerkstellig behoort te word.
5. Meer studente by USKOR betrek moet word, waardeur 'n steeds groter bydrae tot die ontwikkeling van die nie-blanke gemeenskap gemaak kan word.

BLIKKIES VAN SCHALKWYK
B.COMM. (HONS.)
4de Jaar



VOORSTELLER: Sylvia Uys.
SEKONDANTE: Johan Gelderblom, Jan Heunis, Pieter van Jaarsveld, Bremer Gericke, Willem Doman.

ONDERVINDING:

1971: Bestuurslid *Vereniging vir Ekonomie en Handel*, Afgevaardigde na twee AIESEC nasionale vergaderings.

1972: Sekretaris/Tesourier *Vereniging vir Ekonomie en Handel*, Lid *Karnavalkomitee*, Lid *KUESTA-reëlinskomitee*, Afgevaardigde na twee AIESEC nasionale vergaderings, Redaksielid *Die Eiffel*, Lid *Dagbreek-Argiefkomitee*.

1973: Voorsitter *Vereniging vir Ekonomie en Handel*, Voorsitter AIESEC plaaslike tak, Bestuurslid ASVS, Afgevaardigde ASB-kongres, Afgevaardigde SSD.

1974: Lid Studenteraad, Lid *Dagbreek-Huiskomitee*.

BELEID:

By standpunte en menings van watter aard ook al sal 'n SR-lid aldus rekening moet hou met die eie aard van sy studente.

Voortvloeiend hieruit moet 'n SR-lid bereid wees om die karakter van sy Studente-unie dinamies na buite uit te dra. En dit veral in die tyd waar die klem swaar val op interuniversitêre kontak.

PIETER VORSTER
LL.B. II
4de Jaar



VOORSTELLER: William Brown
SEKONDANTE: Pieter Hurter, Sonja van Vollenhoven, Pieter van Jaarsveld, Cassie Wait, Marlene Wium.

ONDERVINDING:

1972: Lid *Stembuskomitee*, Voorsitter *Junior Breebestuur*, *Dagbreek Tweedejaarsleier*, Lid *NP-Dagbestuur*.

1973: Lid *Verenigingskomitee*, Lid *Dagbreek-Huiskomitee*, Lid *NP-Dagbestuur*, Afgevaardigde SSD.

1974: Lid Studenteraad, Onder-primarius *Dagbreek*, Lid *Studenteraadstoergroep*, Afgevaardigde SSD.

BELEID:


Die vernaamste verantwoordelikheid van 'n Studenteraadslid is om te sorg vir effektiewe kommunikasie met die studente van die Universiteit.

Hierdeur moet te alle tye die Studenteraad se optrede en uitsprake duidelik en in realistiese ooreenkomst met die gevoel en behoeftes van die Studente-unie gestel word.

As verteenwoordiger behoort 'n Studenteraadslid wedersyds voordelige kontak tussen alle universiteite in studente-groepe aan te moedig.

Indien verkies, sal ek die werk van die Studenteraad so benader.

CASSIE WAIT
B.Th. I
4de Jaar



VOORSTELLER: Willem Doman
SEKONDANTE: William Brown, Johan Gelderblom, Hennie van der Merwe, Ina du Toit, Jan Heunis.

ONDERVINDING:

1972: ACSV-kringleier.
1973: Lid *Simonsberg-Huiskomitee*, *Klasverteenwoordiger* (3de jaars *Sielkunde*), Bestuurslid *Sielkunde-vereniging*, Lid *Simonsberg-Karnavalkomitee*, ACSV-kringleier.

1974: Lid Studenteraad, Onder-primarius *Simonsberg*, Lid *Kleure-komitee*, Lid *Erekleure-komitee*, Voorsitter *Sentrale Tugkomitee Simonsberg*, Redaksielid *Die Simonsberger*. ACSV-kringleier.

1974: Lid Studenteraad, Onder-primarius *Simonsberg*, Lid *Kleure-komitee*, Lid *Erekleure-komitee*, Voorsitter *Sentrale Tugkomitee Simonsberg*, Redaksielid *Die Simonsberger*. ACSV-kringleier.

ONDERVINDING:

1972: ACSV-kringleier.
1973: Lid *Simonsberg-Huiskomitee*, *Klasverteenwoordiger* (3de jaars *Sielkunde*), Bestuurslid *Sielkunde-vereniging*, Lid *Simonsberg-Karnavalkomitee*, ACSV-kringleier.

1974: Lid Studenteraad, Onder-primarius *Simonsberg*, Lid *Kleure-komitee*, Lid *Erekleure-komitee*, Voorsitter *Sentrale Tugkomitee Simonsberg*, Redaksielid *Die Simonsberger*. ACSV-kringleier.

1974: Lid Studenteraad, Onder-primarius *Simonsberg*, Lid *Kleure-komitee*, Lid *Erekleure-komitee*, Voorsitter *Sentrale Tugkomitee Simonsberg*, Redaksielid *Die Simonsberger*. ACSV-kringleier.

1974: Lid Studenteraad, Onder-primarius *Simonsberg*, Lid *Kleure-komitee*, Lid *Erekleure-komitee*, Voorsitter *Sentrale Tugkomitee Simonsberg*, Redaksielid *Die Simonsberger*. ACSV-kringleier.

BELEID:
Dienslewering aan die Studente-unie is myns insiens die belangrikste taak van 'n Studenteraadslid. Daarom sal ek my beywer vir:
(i) Skakeling tussen die SR en Stadsraad.
(ii) Die verskaffing van meer finansies aan bestaande erkende verenigings.
Bogenoemde sal ek op 'n verantwoordelike wyse aanpak indien u my verkies.

DIAMANTE
RAAK U VERLOOF?
Dialux-Diamante verskaf verloofringe aan studente teen studentepryse of 12 maande om te betaal.

CASTLEMARINE
Van Ryneveldstraat 17.
Telefoon:
3750, 3069 of 3189
Tot u diens vir al u reisbehoefes in die EIKESTAD.
U sê waar u wil gaan en ons bring u daar

LEER HOE OM U DIAMANT EKONOMIES TE KOOP —
KOOP VAN 'N GEOLOOG TEEN SLYPERSPRYSE

Ben Smith Diamonds | THIBAUT-GEBOU 101 THIBAUT-PLEIN KAAPSTAD TEL. 43-2506